

曾文
正公
三十家詩鈔

埽葉山房發行

線
831
7355-2
v. 6

舊籍



三十家詩鈔卷六目錄

陰子堅五古三十四首

新城安樂宮

蜀道難

奉送始興王

江津送劉光祿不及

渡青草湖

遊始興道館

罷故章縣

行經古墓

和侯司空登樓望鄉

晚出新亭

詠得神仙

秋閨怨

班婕妤怨

和登百花亭懷荆楚

廣陵岸送北使

和傅郎歲暮還湘州

渡岸橋

開善寺

閒居對雨二首

和樊晉陵傷妾


登武昌岸望

晚泊五洲

遊巴陵空寺

南征閨怨

南投縣鹿谷鄉黃瑞本堂七代裔孫代表黃允哲 捐贈



侯司空宅詠妓

經豐城劔池

西遊咸陽中

觀釣

詠石

侍宴賦得夾池竹

雪裏梅花

五洲夜發

詠鶴

徐孝穆五古三十五首

驄馬驅

中婦織流黃

出自薊北門行

隴頭水

折楊柳

關山月二首

洛陽道二首

長安道

梅花落

紫驕馬

劉生

同江詹事登宮城南樓

走筆戲書應令

春情

奉和詠舞

和簡文帝賽漢高帝廟

山齋

詠柑

侍宴

奉和山池

山池應令

別毛永嘉

秋日別庾正員

新亭送別應令

和王舍人送客未還闈中有望

為羊兗州家人答餉鏡

詠織婦

內園逐涼

鬪雞

詠日華

詠雪

春日

奉和簡文帝山齋

庾子山五古二百二十六首

對酒歌

昭君辭應詔

王昭君

出自薊北門行

結客少年場行

烏夜啼

奉和泛江

奉和山池

陪駕幸終南山和宇文內史

和宇文內史春日遊山

遊山

和宇文京兆遊田

奉報寄洛州

奉報窮秋寄隱士

上益州上柱國趙王二首

謹贈司寇淮南公

正旦上司憲府

任洛州酬薛文學見贈別

將命至鄴

將命至鄴酬祖正員

入彭城館

同州還

從駕觀講武

奉報趙王出師在道賜詩

和趙王送峽中軍

奉和趙王途中五韻

侍從徐國公殿下軍行

同盧記室從軍

伏聞遊獵

見征客始還遇獵

奉和闡宏二教應詔

至老子廟應詔

奉和趙王遊仙

奉和同泰寺浮圖

奉和法筵應詔

和從駕登雲居寺塔

831
2355-2
v.6

和何儀同講竟述懷

奉和趙王隱士

擬詠懷二十七首

和張侍中述懷

奉和示內人

奉和趙王美人春日

奉和趙王春日

夢入堂內

和詠舞

夜聽搥衣

預麟趾殿校書和劉儀同

和宇文內史入重陽閣

忝在司水看治渭橋

北園新齋成應趙王教

同會和陽公新造山池聊得寓目

登州中新閣

歲晚出橫門

北園射堂新成

園庭

歸田

寒園卽目

幽居值春

臥疾窮愁

山齋

望野

蒙賜酒

奉報趙王惠酒

有喜致醉

國家圖書館



003676682

喜晴應詔 勅自疏韻

同顏大夫初晴

奉和趙王喜雨

和李司錄喜雨

郊行值雪

奉和趙王西京路春日

奉和夏日應令

和樂儀同苦熱

和裴儀同秋日

詠園花

西門豹廟

和王少保遙傷周處士

傷王司徒衰

仰和何僕射還宅懷故

送良法師葬

和人日晚景宴昆明池

對宴齊使

聘齊秋晚館中飲酒

奉和濬池初成清晨臨泛

秋良法師遊昆明池二首

見遊春人

別周尚書宏正

別張洗馬樞

別庾七入蜀

將命使北始度瓜步江

反命河朔始入武州

冬狩行四韻連句應詔

和王內史從駕狩

入道士館

奉和永豐殿下言志十首

率爾成詠

慨然成詠

奉和賜曹美人

和趙王看伎

奉答賜酒

奉答賜酒鷺

正旦蒙趙王賚酒

衛王贈桑落酒奉答

蒲州刺史中山公許乞酒一車未送

答王司空餉酒

舟中望月

望月

對雨

喜晴

詠春近餘雪應詔

奉和初秋

晚秋

和潁川公秋夜

詠畫屏風詩二十五首

鏡

梅花

詠樹

寄徐陵

寄王琳

奉和趙王

和劉儀同臻

和庾四王

和侃法師三絕

送周尚書宏正二首

重別周尚書二首

行途賦得四更應詔

和江中賈客

奉和平鄴應詔十五首

送衛王南征

仙山二首

山齋

野步

山中

閨怨

和趙王看伎

看舞

聽歌

暮春野興賦得傾壺酒

對酒

春日極飲

春望

新月

秋日

望渭水

塵鏡

和淮南公聽琴聞絃斷

弄琴二首

詠羽扇

題結綫袋子

賦得鸞臺

賦得集池鴈

詠鴈

忽見檳榔

移樹

奉梨

傷往二首

春日離合二首

和湘東王後園迴文

三十家詩鈔卷六目錄

三十家詩鈔

卷六

目錄

五

三十家詩鈔卷六

東湖王定安增輯

陰子堅五古三十四首

凡樂府詩集錄者以△識之

△新城安樂宮

歷代吟譜曰鏗賦新城安樂宮援筆立就古今樂錄曰王僧虔技錄有新城安樂宮行今不歌樂府解題曰新城安樂宮行備言雕

飾刻斲之美也

新宮實壯哉雲裏望樓臺迢遞翔鴟仰連翩賀燕來重欄寒霧宿丹井夏

一作蓮開

砌石披新錦花梁畫早梅欲知安樂盛歌管雜塵埃

△班婕妤怨

樂府解題曰婕妤怨者為漢成帝班婕妤好作也婕妤好美而能文初為帝所寵愛後幸趙飛燕姊弟冠於後宮婕妤自知見薄乃退居東宮

作賦及紈扇詩以自傷悼後人傷之而為婕妤好怨也

柏梁新寵盛長信昔恩傾誰謂詩書巧翻為歌舞輕花月分窗進苔草共階生妾淚

杉前滿單眠夢裏驚可惜逢秋扇何用合歡名

△蜀道難

古今樂錄曰王僧虔技錄有蜀道難行今不歌樂府解題曰蜀道難備言銅梁玉壘之阻與蜀國絃頗同

王尊奉漢朝靈關不憚遙高岷長有雪陰棧屢經燒輪摧九折路騎阻七星橋蜀道

難如此功名詎可要

和登百花亭懷荆楚

江陵一柱觀。潯陽千里潮。風煙望似接。川路恨成遙。落花輕未下。飛絲斷易飄。藤長還依格。荷生不避橋。陽臺可憶處。惟有莫將朝。

奉送始興王

良守別承明。枉道暫逢迎。去帆收錦紵。一作纜歸騎指蘭城。紛紜連山暗。潯浚派水清。桂晚花方白。蓮秋葉始輕。背飛傷客念。臨歧憫聖情。分風不得遠。何由送上征。

廣陵岸送北使

行人引去節。送客艤歸艫。卽是觀濤處。仍爲郊贈衢。汀洲浪已息。刊江路不紆。亭嘶背櫪馬。檣轉向風烏。海上春雲雜。天際晚帆孤。離舟對零雨。別渚望飛鳧。定知能下淚。非但一楊朱。

江津送劉光祿不及

依然臨送渚。長望倚河津。鼓聲隨聽絕。帆勢與雲鄰。泊處空餘鳥。離亭已散人。林寒正下葉。釣晚欲收綸。如何相背遠。江漢與城闈。

和傅郎歲暮還湘州

蒼茫歲欲晚。辛苦客方行。大江靜猶浪。扁舟獨且征。棠枯絳葉盡。蘆凍白花輕。戍人

寒不望。沙禽迴未驚。湘波各深淺。空軫念歸情。

渡青草湖

洞庭春溜滿。平湖錦帆張。沅水桃花色。湘流杜若香。穴去茅山近。江流巫峽長。帶天澄迴碧。映日動浮光。行舟逗遠樹。度鳥息危檣。滔滔不可測。一葦詎能航。

渡岸橋

畫橋長且曲。傍險復憑流。寫虹晴尚飲。圖星晝不收。跨波連斷岸。接路上危樓。欄高荷不及。池清影自浮。何必橫南渡。方復似牽牛。

遊始興道館

紫臺高不極。清谿千仞餘。壇邊逢藥鈔。洞裏閱仙書。庭舞經乘鶴。池遊被控魚。稍昏蕙葉斂。欲暝槿花疏。徒教斧柯爛。會自不凌虛。

開善寺

鷺嶺春光徧。王城野望通。登臨情不極。蕭散趣無窮。鷺隨入戶樹。花逐下山風。棟裏歸雲白。窗外落暉紅。古石何年臥。枯樹幾春空。淹留昔未及。幽桂在芳叢。

罷故章縣

秩滿三秋暮。舟虛一水濱。漫漫遵歸道。淒淒對別津。晨風下散葉。歧路起飛塵。長岑舊知遠。萊蕪本自貧。被裏恆容吏。正朝不繫民。惟當有一犢。畱持贈後人。

閒居對雨

四溟飛旦雨。三徑絕來遊。震位雷聲發。離宮電影浮。山雲遙似帶。庭葉近成舟。茅檐下亂滴。石竇引環流。寄言一高士。如何麥不收。

其二

蘋藻降靈祇。聰明諒在斯。觸石朝雲起。從星夜月離。八川奔巨壑。萬頃溢澄陂。綠野含膏潤。青山帶濯枝。嘉禾方合穎。秀麥已分歧。寄語紛紛學。持竿詎必知。

行經古墓

偃松將古墓。年代理當深。表柱應堪燭。碑書欲
金迴墳由路毀。荒隧受田侵。霏霏野霧合。昏昏隴日沈。懸劍今何在。風楊空自吟。

和樊晉陵傷妾

畫梁朝日盡。芳樹落花辭。忽以千金笑。長作九泉悲。鏡前塵劇粉。機上網多絲。戶餘雙入燕。牀有一空帷。名香不可得。何見返魂時。

和侯司空登樓望鄉

懷土臨霞觀。思歸想石門。瞻雲望鳥道。對柳憶家園。寒田穫裏靜。野日燒中昏。信美今何益。傷心自有源。

登武昌岸望

遊人試歷覽。舊迹已邱墟。巴水縈非字。楚山斷類書。荒城高仞落。古柳細條疏。煙蕪遂若此。當不爲能居。

晚出新亭

大江一浩蕩。離悲足幾重。潮落猶如蓋。雲昏不作峯。遠戍惟聞鼓。寒山但見松。九十方稱半。歸途詎有蹤。

晚泊五洲

客行逢日暮。結纜晚洲中。戍樓因堪一作礎險。村路入江窮。水隨雲度黑。山帶日歸紅。遙憐一柱觀。欲輕千里風。

詠得神仙

羅浮銀是殿。瀛洲玉作堂。朝遊雲暫起。夕餌菊恆香。聊持履成燕。戲以石爲羊。洪厓

與松子。乘羽就周王。

遊巴陵空寺

日宮朝絕磬。月殿夕無扉。網交雙樹葉。輪斷七燈輝。香盡奩猶馥。幡塵畫漸微。借問將何見。風氣動天衣。

秋閨怨

獨眠雖已慣。秋來只自愁。火籠恆煖腳。行障鎮牀頭。眉含黛俱斂。啼將粉共流。誰能無別恨。惟守一空樓。

南征閨怨

水舊言深。征客理難尋。獨愁無處道。長悲不自禁。逢人憎解佩。從來懶聽音。惟當有夜鵲。南飛似妾心。

侯司空宅詠妓

劉刪同賦

佳人徧綺席。妙曲動鷗弦。樓似陽臺上。池如洛水邊。鶯啼歌扇後。花落舞衫前。翠柳將斜日。俱照晚妝鮮。

經豐城劔池

清池自湛澹。神劍久遷移。無復連星氣。空餘似月池。夾篠澄深淥。含風結細漪。惟有蓮花萼。還想匣中雌。

西遊咸陽中

阮籍詠懷詩曰西遊咸陽中趙李相經過

上林春色滿。咸陽遊俠多。城斗疑連漢。橋星象跨河。影裏看飛轂。塵前聽遠珂。還家何意晚。無處不經過。

觀釣

澄江息晚浪。釣侶柁輕舟。經垂遙濺水。餌下暗通流。歌聲時斷續。楫影乍橫浮。寄言濯纓者。滄浪終滯遊。

詠石

天漢支機罷。仙嶺博碁餘。零陵舊是燕。昆池本學魚。雲移蓮勢出。苔駁錦紋疏。還當穀城下。別自解兵書。

侍宴賦得夾池竹

夾池一叢竹。垂

一作青

翠不驚寒。葉醞宜城酒。皮裁

一作治

辭縣冠。湘川染別淚。衡嶺拂

仙壇。欲見葳蕤色。當來兔苑看。

一作欲見凌冬質當爲雲中看

雪裏梅花

春近寒雖轉。梅舒雪尚飄。從風還共落。照日不俱消。葉開隨足影。花多助重條。今來漸異昨。向晚判勝朝。

五洲夜發

夜江霧裏闊。新月迴中明。溜船惟識火。驚鳧但聽聲。勞者時歌榜。愁人數問更。

詠鶴

依池屢獨舞。對影或孤鳴。乍動軒墀步。時轉入琴聲。

徐孝穆五古三十五首樂府詩集錄者以△識之

△驄馬驅一日驄馬一日驄馬曲皆言關塞征役之事

白馬號龍駒。彫鞍名鏤渠。一作諸兄二千石。小婦字羅敷。倚端輕掃史。一作召募擊

休屠。塞外多風雪。城中絕詔書。空憶長楸下。連蹠復連跣。

△中婦織流黃

落花還一作飛井上。春機當戶前。帶衫行障口。覓釧枕檀一作入檀邊。數鐻經無亂。新漿緯

易牽。蜘蛛夜伴織。百舌曉驚眠。封用黎陽土。書因計吏船。欲知夫婿處。今督水衡錢。

△出自薊北門行

薊北聊長望。黃昏心獨愁。燕山對古刹。代郡隱一作倚城樓。屢戰橋恆斷。長冰塹不流。

天雲如地陣。漢月帶胡秋。漬土泥函谷。按繩縛涼州。平生燕頷相。會自得封侯。

△隴頭水通典曰天水郡有大阪名曰隴坻亦曰隴山即漢隴關也三秦記曰其阪九回上者七日乃越上有清水四注所謂隴頭水也

別塗聳千仞。離川懸百丈。攢荆夏不通。積雪冬難上。枝交隴底暗。石礙波前響。迴首咸陽中。唯言夢時往。

△折楊柳唐書樂志曰梁樂府有胡吹歌云上馬不提鞭反拗楊柳枝下馬吹橫曲愁殺行客兒此歌辭元出北國即鼓角橫吹曲折楊柳是也宋書五行志曰晉太康末京洛為折楊柳之歌其曲有兵革苦辛之辭按古樂府又有小折楊柳相和大曲有折楊柳行清商四曲有月節折楊柳歌十三曲與此不同

嫋嫋河隄樹。依依魏主營。江陵有舊曲。洛下作新聲。妾對長楊苑。君登高柳城。春還應共見。蕩子太無情。

△關山月樂府解題曰關山月傷離別也古木蘭詩曰萬里赴戎機關山度若飛朔氣傳金柝寒光照鐵衣按相和曲有度關山亦類此

關山三五月。客子憶秦川。思婦高樓上。當窗應未眠。星旗映疏勒。雲陣上祁連。戰氣今如此。從軍復幾年。

△其二

月出柳城東。微雲掩復通。蒼茫縈白暈。蕭瑟帶長風。羌兵燒上郡。胡騎獵雲中。將軍擁節起。戰士夜鳴弓。

△洛陽道

綠柳三春暗。紅塵百戲多。東門向金馬。南陌接銅駝。華軒翼葆吹。飛蓋響鳴珂。潘郎車欲滿。無奈擲花何。

△其二

洛陽馳道上。春日起塵埃。濯龍望如霧。河橋渡似雷。聞珂知馬蹀。傍幟見鶯開。相看不得語。密意眼中來。

△長安道

輦道乘雙闕。豪雄被五都。橫橋象天漢。法駕應坤圖。韓康賣良藥。董偃鬻明珠。喧喧擁車騎。非但執金吾。

△梅花落

對戶一株梅。新花落故栽。燕拾還蓮井。風吹上鏡臺。倡家怨一作愁思妾。樓上獨徘徊。

噉看竹葉錦簪一作罷未能裁。

△紫驢馬古今樂錄曰紫驢馬古辭云十五從軍征八十始得歸道逢鄉里人家中有阿誰又梁曲曰獨柯不成樹獨樹不成林念娘錦櫛櫛恆長不忘

心蓋從軍久戍懷歸而作也孝穆詩則但言遊獵之樂

玉鐙繡纏鬃金鞍錦覆幪風驚塵未起草淺埒猶空角弓連穿一作兩兔珠彈落雙鴻

日斜馳逐罷連翩還上東。

△劉生樂府解題曰劉生不知何代人齊梁已來為劉生辭者皆稱其任俠豪放周遊五陵三秦之地或云抱劍專征為符節官所未詳也按古今樂錄曰

梁鼓角橫吹曲有東平劉生歌疑即此劉生也

劉生殊倜儻任俠徧京華戚里驚鳴筑平陽吹怨箛俗儒排左氏新室忌漢家高才被擯壓自古共憐嗟。

同江詹事登宮城南樓

元良屬上德率土被中孚漢幄朝無怠周門夕復趨桓經既受業賀拜且尊儒壯志諧風雅高文會斗樞鏗鏘叶舞蹈炤爛等瓊瑜溝水慙雄伯漳川仰大巫鮑魚甯入俎釣鼈匪充廚叔譽恆詞屈防年豈濫誅。

走筆戲書應令

此日乍殷勤。相嫌不如春。今宵花燭淚。非是夜迎人。舞席秋來卷。歌筵無數塵。曾經新代故。那惡故迎新。片月窺花簾。輕寒入錦巾。秋來應瘦盡。偏白著腰身。

春情

風光今日旦。動雪色故年。殘薄夜迎新節。當鑪卻晚寒。奇一作香分細霧。一作石炭擣輕紈。竹葉裁衣帶。梅花奠酒盤。年芳袖裏出。春色黛中安。欲知迷下蔡。先將過上蘭。

奉和詠舞

簡文有詠舞詩

十五屬平陽。因來入建章。主家能教舞。城中巧畫妝。低鬟向綺席。舉袖拂花黃。燭送空迴。一作影杉傳篋裏。香當繇好畱。客故作舞衣長。

和簡文帝賽漢高帝廟

聲偶作徐摛詩彙作庾肩吾竝誤

山宮類牛首。漢寢若龍川。玉盃無秋酎。金燈滅夜煙。丹帷迫靈嶽。紺席下羣僊。堂虛沛筑響。釵低戚舞妍。何殊后廟裏。子建作華篇。

山齋

桃源驚往客。鶴嶠斷來賓。復有風雲處。蕭條無俗人。山寒微有雪。石路本無塵。竹徑蒙籠巧。茅齋結構新。燒香披道記。懸鏡厭山神。砌水何年潤。檐桐幾度春。雲霞一已

絕甯辨漢將秦。

詠柑

藝文初學竝作徐陵詩劉孝綽集載此或誤收也

朱實挺江南苞品擅珍淑上林雜嘉樹江潭間修竹萬室擬封侯千株挺荆國綠葉萋以布素榮芬且郁得陳終宴歡良垂雲雨育

侍宴

園林才有熱夏淺更深春嫩竹猶含粉初荷未聚塵承恩預下席應阮獨何人

奉和山池

簡文有山池詩

羅浮無定所鬱島屢遷移不覺因風雨何時入後池樓臺非一勢臨玩自多奇雲生對戶石猿挂入欄枝

山池應令

畫舸圖僊獸飛艤挂采旂榜人事金漿釣女飾銀鉤細萍時帶楫低荷乍入舟猿嘯知谷晚蟬咽覺山秋

別毛永嘉

英華作別毛尚書

願子厲風規歸來振羽儀嗟余今老病此別空長離白馬君來哭黃泉我詎知徒勞

脫寶劍。空挂隴頭枝。

秋日別庾正員

藝文作張正見

征途愁轉旆。連騎慘停鑣。朔氣凌疏木。江風送上潮。青雀離帆遠。朱鳶別路遙。唯有當秋月。夜夜上河橋。

新亭送別應令

鳳吹臨伊水。時駕出河梁。野燎村田黑。江秋岸荻黃。隔城聞上鼓。迴舟隱去檣。神襟愛一作憂遠別。流睇極清漳。

和王舍人送客未還閨中有望

倡人歌吹罷。對鏡覽紅顏。拭粉畱花稱。除釵作小鬟。綺燈停不滅。高扉掩未關。良人在何處。光唯見月還。

爲羊克州家人答餉鏡

信來贈寶鏡。亭亭似團月。鏡久自踰明。人久情愈歇。取鏡挂空臺。于今莫復開。不見孤鸞鳥。香魂何處來。

詠織婦

纖纖運玉指。脈脈正蛾眉。振躡開交縷。停梭續斷絲。檐前初月照。洞戶朱帷垂。一作未垂
帷弄機行掩淚。彌令織素遲。

內園逐涼

昔在北山北。今余一作來東海東。納涼高樹下。直坐落花中。狹徑長無迹。茅齋本自空。
提琴就竹篠。酌酒勸梧桐。

鬪雞

季子聊爲戲。陳王欲騁才。花冠已衝力。芥爪復驚媒。鬪鳳羞衣錦。雙鸞恥鏡臺。陳倉
若有信。爲覓寶雞來。

詠日華

朝暉爛曲池。夕照滿西陂。復有當晝景。江上鑠光儀。時從高浪歇。乍逐細波移。一在
雕梁上。詎比扶桑枝。

詠雪

瓊林元圃葉。桂樹日南華。豈若天庭瑞。輕雪帶風斜。三農喜盈尺。六出儻崇花。明朝
闕門外。應見海神車。

春日

岸煙起暮色岸水帶斜暉。逕狹橫枝度簾搖驚燕飛。落花承步履流澗寫行衣。何殊九枝葢薄暮洞庭歸。

奉和簡文帝山齋

架嶺承金闕飛橋對石梁。竹密山齋冷荷開水殿香。山花臨舞席水影照歌牀。闕

本集有烏棲曲二首

雜曲一首七言

長相思二首長短句皆以非五古未鈔

庾子山五古二百二十六首

樂府詩集錄者以△識之

△對酒歌

文苑英華作范雲非

春水望桃花春洲藉芳杜琴從隨

一作

綠珠借酒就文君取牽馬向渭橋日曝

一作

山

頭脯山簡接羅倒王戎如意舞箏鳴金谷園笛韻平陽塢人生一百年歡笑惟三五

何處覓錢刀求為洛陽賈。

△昭君辭應詔

玉臺作明君詩

斂眉光祿塞還望夫人城片片紅顏落雙雙淚眼生。冰河牽馬渡雪路抱鞍行。胡風

入骨冷夜月照心明。方調琴上曲變入

一作

胡笳聲。

△王昭君 玉臺作昭君詞

拭曉辭戚里。回顧望昭陽。鏡失菱花影。釵除卻月梁。圍腰無一尺。垂淚有千行。綠衫承馬汗。紅袖拂秋霜。別曲真多恨。哀絃須更張。

△出自薊北門行

薊門還北望。役役盡傷情。關山連漢月。隴水向秦城。笳寒蘆葉脆。弓凍絃絃鳴。梅林能止渴。複姓可防兵。將軍朝挑戰。都護夜巡營。燕山猶有石。須勒幾人名。

△結客少年場行

結客少年場。春風滿路香。歌撩李都尉。果擲潘河陽。隔一作花遙勸酒。就水更移牀。今年喜夫婿。新拜羽林郎。定知劉碧玉。偷嫁汝南王。

△烏夜啼

桂樹懸知遠。風竿詎肯低。獨憐明月夜。孤飛猶未栖。虎賁誰見惜。御史詎相攜。雖言入絃管。終是曲中啼。

奉和泛江 藝文作王臺卿非

春江下白帝。畫舸向黃牛。錦纜回沙磧。蘭橈避荻洲。溼花隨水泛。空巢逐樹流。建平

船柀下。荆門戰艦浮。岸社多喬木。一作羣樹山城足迴樓。日落江風靜。龍吟迴上游。

奉和山池

梁簡文有山池詩

樂宮多暇豫。望苑暫迴輿。鳴笳陵絕浪。飛蓋歷通渠。桂亭花未落。桐門葉半疏。荷風驚浴鳥。橋影聚行魚。日落含山氣。雲歸帶雨餘。

陪駕幸終南山和宇文內史

玉山乘四載。瑤池宴八龍。龍橋浮少海。鵠蓋上中峯。飛狐橫塞路。白馬當河衝。水奠三川石。山封五樹松。長虹雙瀑布。圓闕兩芙蓉。戍樓鳴夕鼓。山寺響晨鐘。新蒲節節轉。促短筍籜猶重。樹宿含櫻鳥。花畱釀蜜蜂。迎風下列缺。灑酒召昌容。且欣陪北上。方欲侍東封。

和宇文內史春日遊山

遊客值春暉。金鞍上翠微。風逆花迎面。山深雲溼衣。雁持一足倚。猿將兩臂飛。戍樓侵嶺路。山村落獵圍。道士封君達。仙人丁令威。煮丹於此地。居然未肯歸。

遊山

一作遊仙

聊登元圃殿。更上增城山。不知高幾里。低頭看世間。唱歌雲欲聚。彈琴鶴欲舞。澗底

百重花山根一片雨。婉婉藤倒垂。亭亭松直豎。

和宇文京兆遊田

小苑禁門開。長楊獵客來。懸知畫眉罷。走馬向章臺。澗寒泉反縮。山晴雲倒回。熊飢自舐掌。鴈驚獨銜枚。美酒餘杭醉。一作芙蓉即奉杯。

奉報寄洛州

舟師會孟津。甲子陣東鄰。雷轅驚戰鼓。劔室動金神。幕府風雲氣。軍門關塞人。長旂析鳥羽。合甲抱犀麟。星芒一丈燄。月暈七重輪。黎陽水稍綠。官渡柳應春。無庸奉天睽。驅傳牧南秦。繁詞勞簡牘。雜俗弊風塵。上洛逢都尉。商山見逸民。畱滯終南下。唯當一史臣。

奉報窮秋寄隱士

詩彙作王表詩非

王倪逢嚙缺。桀溺偶長沮。藜牀負日臥。麥隴帶經鋤。自然曲木几。無名科斗書。聚花聊飼雀。穿池試養魚。小村治澁路。低田補壞渠。秋水牽沙落。寒藤抱樹疏。空枉平原騎。來過仲蔚廬。

上益州上柱國趙王二首

銅梁影棠樹石鏡寫寒帷。兩江如漬錦雙峯似畫眉。穿荷低晚蓋衰柳挂殘絲。風流盛儒雅。泉湧富文詞。無因同子淑。暫得侍臨淄。

寂寞歲陰窮。蒼茫雲貌同。鶴毛飄亂雪。車轂轉飛蓬。鴈歸知向暖。鳥巢解背風。寒沙兩岸白。獵火一山紅。願想懸鶉敝。時嗟陋巷空。

謹贈司寇淮南公

危邦久亂德。天策始乘機。九河聞誓眾。千里見連旂。虢亡垂棘返。齊平寶鼎歸。久敝風塵俗。殊勞關塞衣。絆驥還千里。垂鵬更九飛。猶憐馬齒進。應念節旄稀。迴軒入故里。園柳始依依。舊竹侵行徑。新桐益幾圍。寒谷黎應重。秋林栗更肥。美酒還參聖。雕文本入微。促歌迎趙瑟。遊絃召楚妃。小人司刺舉。明敷一作時實濫吹。南部治都尉。軍謀假建威。商山隱士石。一作宅丹水鳳凰磯。野亭長被馬。山城早掩扉。傳呼擁絳節。交戟映彤闈。遂令忘楚操。何但食周薇。三十六水變。四十九條非。丹竈風煙歇。年齡蒲柳衰。同僚敢不盡。疇日懼難追。

正旦上司憲府

詰旦啟門闌。繁辭湧筆端。蒼鷹下獄吏。獬豸飾刑官。司朝引玉節。盟載捧珠盤。窮紀

星移次歸餘律未殫。雪高三尺厚。冰深一丈寒。短筍猶埋竹。香心未起蘭。孟門久失路。扶搖忽上搏。栖鳥還得府。棄馬復歸欄。榮華名義重。虛薄報恩難。枚乘還起疾。貢禹遂彈冠。方垂蓮葉劍。未用竹根丹。一知懸象法。誰思垂釣竿。

任洛州酬薛文學見贈別

子居河之曲。英彥本連蹤。鹽形或變虎。鼎氣乍成龍。若人承載德。宮牆定數重。五衢開辯路。四照起文烽。曰余濫推轂。民願始天從。上洛分都尉。宏農開附庸。羊腸連九阪。熊耳對雙峯。白石仙人芋。青林隱士松。北梁送孫楚。西隄別葛龔。故人倘書札。黎陽土足封。

將命至鄴

按本傳信在梁爲通直散騎常侍聘于東魏文章辭令甚爲鄴下所稱

大國修聘禮。親鄰自此敦。張壇事原隰。負辰報成言。西過犯風露。北指度轅轅。交歡值公子。展禮覲王孫。何以譽嘉樹。徒欣賦采蘋。四牢盈折俎。三獻滿疊樽。人臣無境外。何由欣此言。風俗旣殊阻。山河不復論。無因旅南館。空欲祭西門。眷然惟此別。夙期幸共存。

將命至鄴酬祖正員

我皇臨九有。聲教洎無隄。與文盛禮樂。偃武息氓黎。承乏驅騏驥。旌旗事琬珪。一作旌旗

事鼓

古碑文字盡。荒城年代迷。被隴文瓜熟。交膾香穗低。投瓊實有慰。報李更無蹊。

入彭城館

襄君前建國。項氏昔稜威。鴟飛傷楚戰。雞鳴悲漢圍。年一作世代殊氓俗。風雲更盛衰。水流浮磬動。山喧雙翟飛。夏餘花欲盡。秋近鷺將稀。槐庭垂綠穗。蓮浦落紅衣。徒知日云暮。不見舞雩歸。

同州還

赤岸繞新村。青城臨綺門。范睢新入相。穰侯始出蕃。上林催獵響。河橋爭渡喧。竄雉飛橫澗。藏狐入斷原。將軍高宴晚。來過青竹園。

從駕觀講武

校戰出長楊。兵欄入鬪場。置陣橫雲起。開營雁翼張。門嫌磁石礙。馬畏鐵菱傷。龍淵觸牛斗。繁弱駭天狼。落星奔驥驟。浮雲上驪驪。急風吹戰鼓。高塵擁貝裝。駭猿時落木。驚鴻屢斷行。樹寒條更直。山枯菊轉芳。豹略推全勝。龍圖揖所長。小臣欣寓目。還知奉會昌。

奉報趙王出師在道賜詩

上將出東平。先定下江兵。彎弓

一作弧

伏石動。振鼓沸沙鳴。橫海將軍號。長風駿馬名。

雨歇殘虹斷。雲歸一雁征。暗巖朝石溼。空山夜火明。低橋澗底渡。狹路花中行。錦車同建節。魚軒異泊營。軍中女子氣。塞外夫人城。小人乖攝養。歧路阻逢迎。幾月芝田熟。何年金竈成。哀笳關塞曲。嘶馬別離聲。王子身爲寶。深思不倚衡。

和趙王送峽中軍

樓船聊習戰。白羽試撝軍。山城對卻月。岸陣抵平雲。赤虵懸弩影。流星抱劍文。胡笳遙警夜。塞馬暗嘶羣。客行明月峽。猿聲不可聞。

奉和趙王途中五韻

藝文作王褒

飄飄映車幕。出沒望連旗。度雲還却陣。迴風卽送師。峽路沙如月。山峯石似眉。村桃拂紅粉。岸柳被青絲。錦城遙可望。迴鞍念此時。

侍從徐國公殿下軍行

八風占陣氣。六甲候兵韜。置府仍張幕。麾軍卽秉旄。長旗臨廣武。烽火照成皋。巡寒重挾纊。酌水勝單醪。陣後雲逾直。兵深星轉高。電燄驅龍馬。山精鏤寶刀。塞迴翻榆

葉關寒落雁毛。既得從神武，何須念久勞。

△同盧記室從軍

樂府作從軍行

河圖論陣氣，金匱辨星文。地中鳴鼓角，天上下將軍。函犀恆七屬，絡鐵本千羣。飛梯聊度絳，合弩暫凌汾。寇陣先中斷，妖營卽兩分。連烽對嶺度，嘶馬隔河聞。箭飛如疾雨，城崩似壞雲。英王於此戰，何用武安君。

伏聞遊獵

虞旗喜旦晴，獵馬向山橫。石關魚貫上，山梁雁翅行。雪平尋兔迹，林藪聽雉聲。馬嘶山谷響，弓寒桑柘鳴。聞弦鳥自落，望火獸空驚。無風樹卽正，不凍水還平。誰知茂陵下，願入睢陽城。

見征客始還遇獵

貳師新受詔，長平正凱歸。猶言乘戰馬，未得解戎衣。上林遇逐獵，宜春整合圍。漢帝熊猶憤，秦王雉更飛。故人迎借問，念舊始依依。河邊一片石，不復有支機。

奉和闡宏二教應詔

五明教已設，三元法復開。魚山將鶴嶺，清梵兩邊來。香煙聚爲塔，花雨積成臺。空心

論佛性貞氣辨仙才。露盤高掌滴風烏。平翅迴無勞問一作訪待詔自識昆明灰。

至老子廟應詔

虛無推馭辨。寥廓本乘蜺。三門臨苦縣。九井對靈谿。盛丹須竹節。量藥用刀圭。石似臨邛芋。芝如封禪泥。毳毛新鵠小。盤根古樹低。野戍孤煙起。春山百鳥啼。路有三千別。途經七聖迷。一作行當別關夷直向流沙西。

奉和趙王遊仙

藏山還採藥。有道得從師。京兆陳安世。成都李意期。玉京傳相鶴。太乙授飛龜。白石香新芋。青泥美熟芝。山精逢照鏡。樵客值圍棋。石紋如碎錦。藤苗似亂絲。蓬萊在何處。漢后欲遙祠。

奉和同泰寺浮圖

和梁簡文帝

峇峇凌太清。照殿比東京。長影臨雙闕。高層出九城。棋積行雲礙。幡搖度鳥驚。鳳飛如始泊。蓮合似初生。輪重對月滿。鐸韻擬鸞聲。畫水流全住。圖雲色半輕。一作行露晚盤猶滴。珠朝火更明。雖連博望苑。還接銀沙城。天香下桂殿。仙梵入伊笙。庶聞八解樂。方遣六塵清。

奉和法筵應詔

五城鄰北極。百雉壯西昆。鉤陳橫複道。閶闔抵靈軒。千柱蓮花塔。由旬紫紺園。佛影
胡人記。經文漢語翻。星窺朱鳥牖。雲宿鳳凰門。新禽解雜轉。春柳臥生根。早雷驚蟄
戶。流雪長河源。建始移交讓。徽音種合昏。風飛扇天辯。泉湧屬絲言。羈臣從散木。無
以預中天。遙可望。終類仰鷗弦。

和從駕登雲居寺塔

一作和趙王
遊雲居寺

重巒千仞塔。危磴九層臺。石關恆逆上。山梁乍斗迴。階下雲峯出。窗前風洞開。隔嶺
鐘聲度。中天梵響來。平時欣侍從。於此暫徘徊。

和何儀同講竟述懷

無名卽講道。有動定論機。一作參微安經讓禮席。正業理儒衣。似得遊焉趣。能同捨講歸。
石渠人少歇。華陰市暫稀。秋雲低晚氣。短景側餘輝。螢排亂草出。鴈捨斷蘆飛。別有
平陵逕。蕭條客鬢衰。飢噪空倉雀。寒驚嬾婦機。實欣懷諛問。逢君理入微。諛音小

奉和趙王隱士

王褒
同賦

洛陽徵五隱。東都別二賢。雲氣浮函谷。星光集潁川。霸陵採樵路。一作徑成都賣卜錢。

鹿裘披稍裂。藜牀坐欲穿。阮籍唯長嘯。嵇康詎一弦。澗險無平石。山深足細泉。短松猶百尺。少鶴已千年。野鳥繁弦轉。山花燄火然。洞風吹戶裏。石乳滴窗前。雖無亭長識。終見野人傳。

擬詠懷二十七首

步兵未飲酒。中散未彈琴。索索無真氣。昏昏有俗心。涸鮒常思水。驚飛一作每失林。風雲能變色。松竹且悲吟。由來不得意。何必往長岑。

赭衣居傅巖。垂綸在渭川。乘舟能上月。飛幟欲捫天。誰知志不就。空有直如弦。洛陽蘇季子。連衡遂不連。既無六國印。翻思二頃田。

俎豆非所習。帷幄復無謀。不言班定遠。應爲萬里侯。燕客思遼水。秦人望隴頭。倡家遭強聘。質子值仍畱。自憐才智盡。空傷年鬢秋。

楚材稱晉用。秦臣卽趙冠。離宮延子產。羈旅接陳完。寓衛非所寓。安齊獨未安。雪泣悲去魯。悽然憶相韓。唯彼窮途慟。知余行路難。

惟忠且惟孝。爲子復爲臣。一朝人事盡。身名不足親。吳起嘗辭魏。韓非遂入秦。壯情已消歇。雄圖不復申。移住華陰下。終爲關外人。

疇昔國士遇。生平知己恩。直言珠可吐。甯知炭可一作欲吞。一顧重尺璧。千金輕一言。

悲傷劉孺子。悽愴史皇孫。無因同武騎。歸守灞陵園。

榆關斷音信。漢使絕經過。胡笳落淚曲。羌笛斷腸歌。纖腰減束素。別淚損橫波。恨心終不歇。紅顏無復多。枯木期填海。青山望斷河。

白馬向清波。乘冰始渡河。置冰須近水。移營喜竈多。長阪初垂翼。鴻溝遂倒戈。的盧於此去。虞兮柰若何。空營衛青冢。徒聽田橫歌。

北臨玄菟郡。南戍朱鳶城。共此無期別。俱知萬里情。昔嘗遊令尹。今時事客卿。不特貧謝富。安知死羨生。懷秋獨悲此。平生何謂平。

悲歌度燕水。弭節出陽關。李陵從此去。荆卿不復還。故人形影滅。音書兩俱絕。遙看塞北雲。懸想關一作天山雪。遊子河梁上。應將蘇武別。

搖落秋爲氣。淒涼多怨情。嘯枯湘水竹。哭壞杞梁城。天亡遭憤戰。日蹙值愁兵。直虹朝映壘。長星夜落營。楚歌饒憾曲。南風多死聲。眼前一杯酒。誰論身後名。

周王逢鄭忿。楚后值秦冤。梯衝已鶴列。冀馬忽雲屯。武安檐瓦振。昆陽猛獸奔。流星夕照鏡。烽火夜燒原。古獄饒冤氣。空亭多枉魂。天道或可問。微兮不忍言。

橫流邁屯戩。上塲結重氛。哭市聞妖獸。頽山起怪雲。綠林多散卒。清波有敗軍。智士
今安用。忠臣且未聞。惜無萬金產。東求滄海君。

吉士長爲吉。善人終日善。大道忽云乖。生民隨事蹇。有情何可豁。忘懷固難遣。麟窮
季氏置。虎振周王圈。平生幾種意。一旦衝風卷。

六國始咆哮。縱橫未定交。欲競連城玉。翻徵縮酒茅。析骸猶換子。登爨已懸巢。壯冰

一作水初開地。盲風正折膠。輕雲飄馬足。明月動弓梢。楚師正圍鞏。秦兵未下嶠。始知

千載內。無復有申包。橫石三五片。長松一兩株。對君俗人眼。真興理當無。野老披荷
葉。家童掃栗跗。竹林千戶封。甘橘萬頭奴。君見愚公谷。真言此谷愚。

日晚荒城上。蒼茫餘落暉。都護樓蘭返。將軍疏勒歸。馬有風塵氣。人多關塞衣。陣雲
平不動。秋蓬卷欲飛。聞道樓船戰。今年不解圍。

尋思萬日侯。中夜忽然愁。琴聲徧屋裏。書卷滿牀頭。雖言夢蝴蝶。定自非莊周。殘月
如初月。新秋似舊秋。露泣連珠下。螢飄碎火流。樂天乃知命。何時能不憂。

憤憤天公曉。精神殊乏少。一郡催曙雞。數處驚眠鳥。其覺乃于于。其憂惟悄悄。張儀
稱行薄。管仲稱器小。天下有情人。居然性靈夭。

在死猶可忍。爲辱豈不寬。古人持此性。遂有不能安。其面雖可熱。其心長自寒。匣中取明鏡。披圖自照看。幸無侵餓理。差有犯兵欄。擁節時驅傳。乘亭不據鞍。代郡蓬初轉。遼陽桑欲乾。秋雲粉絮結。白露水銀團。一思探禹穴。無用塵皋蘭。倏忽市朝變。蒼茫人事非。避讒應采葛。忘情遂食薇。懷愁正搖落。中心愴有違。獨憐生意盡。空驚槐樹衰。

日色臨平樂。風光滿上蘭。南國美人去。東家棗樹完。抱松傷別鶴。向鏡絕孤鸞。不言登隴首。唯得望長安。

鬪麟能食日。戰水定驚龍。鼓鞞喧七萃。風塵亂九重。鼎湖去無返。蒼梧悲不從。徒勞銅雀妓。遙望西陵松。

無悶無不悶。有待何可待。昏昏如坐霧。漫漫疑行海。千年水未清。一代人先改。昔日東陵侯。唯見瓜園在。

懷抱獨惛惛。平生何所論。由來千種意。竝是桃花源。穀皮兩書帙。壺盧一酒樽。自知費天下。也復何足言。

蕭條亭障遠。淒慘風塵多。關門臨白狄。城影入黃河。秋風別蘇武。寒水送荆軻。誰言

氣蓋世晨起帳中歌。

披甲陽雲臺重雲久未開。雞鳴楚地盡。鶴唳秦軍來。羅梁猶下碯。楊排久飛灰。出門車軸折。吾王不復回。

和張侍中述懷

陽窮乃悔吝。世季誠屯剝。奔河絕地維。折柱傾天角。成羣海水飛。如雨天星落。負鍤遂移山。藏舟終去壑。生民忽已魚。君子徒爲鶴。疇昔逢知己。生平荷恩渥。故組竟無聞。程嬰空寂寞。永嘉獨流寓。中京惟鼎鑊。道險臥輶輪。身危累素殼。漂流從木梗。風卷隨秋籜。張翰不歸吳。陸機猶在洛。漢陽錢遂盡。長安米空索。時占季主龜。乍販韓康藥。伏轅終入絆。垂翅猶離繳。徒懷琬琰心。空守黃金諾。號郇終無寄。齊秦竟何託。大夫唯閔周。君子常思亳。寂寥共羈旅。蕭條同負郭。農談止穀稼。野膳唯藜藿。操樂楚琴悲。一作澁忘憂魯酒薄。渭濱觀坐釣。谷口看秋穫。唯有邱明恥。無復榮期樂。夷則火星流。天根秋水涸。冬嚴日不暖。歲晚風多朔。楊浮有怪雲。細凌聞災雹。木皮三寸厚。涇泥五斗濁。雖忻曲轅樹。猶懼雕陵鵲。生涯實有始。天道終虛橐。且悅善人交。無疑朋友數。何時得雲雨。復見翔寥廓。

奉和示內人

然香鬱金屋吹管鳳凰臺。春朝迎雨去。秋夜隔河來。聽歌雲卽斷。聞琴鶴倒回。春窗刻鳳下。寒壁畫花開。定卽流霞氣。時添承露杯。

奉和趙王美人春日

直將劉碧玉來過陰麗華。祇言滿屋裏。竝作一園花。新藤亂上格。春水漫吹沙。步搖釵梁動。紅輸被一作帳角斜。今年逐春去。先向石崇家。

奉和趙王春日

城傍金谷苑。園裏鳳凰池。細管調歌曲。長杉教舞兒。向人長曼臉。由來薄面皮。梅花絕解作。樹葉本能吹。香煙龍口出。蓮子帳心垂。莫畏無春酒。須花但見隨。

夢入堂內

雕梁舊刻杏。香壁本泥椒。幔繩金麥穗。簾鉤銀蒜條。畫眉千度拭。梳頭百遍撩。小衫裁裏臂。纏絃掐抱腰。日光釵燄動。窗影鏡花搖。歌曲風吹韻。笙簧火炙調。卽今須戲去。誰復待明朝。

和詠舞

洞房花燭明。燕餘雙舞輕。頓履隨疏節。低鬟逐上聲。步移行初進。衫飄曲未成。鸞迴鏡欲滿。鶴顧市應傾。已曾天上學。詎是世中生。

夜聽搗衣

秋夜搗衣聲。飛度長門城。今夜長門月。應如晝日明。小鬟宜粟瑱。圓腰運織成。秋砧調急節。亂杵變新聲。石燥砧逾響。桐虛杵絕鳴。鳴石出華陰。虛桐採鳳林。北堂細腰杵。南市女郎砧。擊節無勞鼓。調聲不用琴。竝結連枝縷。雙穿長命鍼。倡樓驚別怨。征客動愁心。同心竹葉碗。雙去雙來滿。裙裾不柰長。衫袖偏宜短。龍文鏤剪刀。鳳翼纏簪管。風流響和韻。哀怨聲悽斷。新聲繞夜風。嬌轉滿空中。應聞長樂殿。判徹昭陽宮。花鬟醉眼纈。龍子細文紅。溼摺通夕露。吹衣一夜風。玉階風轉急。長城雪應闐。新綬始欲縫。細錦行須纂。聲煩廣陵散。杵急漁陽摻。新月動金波。秋雲泛濫過。誰憐征戍客。今夜在交河。相陽一作觴離別賦。臨江愁思歌。復今悲此曲。紅顏餘幾多。

預麟趾殿校書和劉儀同

止戈興禮樂。修文盛典謨。壁開金石篆。河浮雲霧圖。芸香上延閣。碑石向鴻都。誦書徵博士。明經拜大夫。璧池寒水落。學市舊槐疏。高譚變白馬。雄辯塞飛狐。月落將軍

樹風驚御史烏子雲猶汗簡溫舒正削蒲連雲雖有閣終欲想江湖。

和宇文內史入重陽閣

北原風雨散南宮容衛疏待詔還金馬儒林歸石渠徒懸仁壽鏡空聚茂陵書竹淚垂秋筍蓮衣落夏集作葉顧成始移廟陽陵正徙居舊蘭惟悴長殘花爛漫舒別有昭陽殿長悲故一作婕妤

忝在司水看治渭橋

大夫參下位司職渭之陽富平移鐵鑣一作甘泉運石梁跨虹連絕岸浮龍續斷航春洲鸚鵡色流水桃花香星精逢漢帝釣叟值周王平隄石岸直高堰柳陰長言羨杜元凱河橋獨舉觴

北園新齋成應趙王教

虹粉跂鳥翼山節拱蘭枝畫梁雲氣繞雕窗玉女窺月懸唯返照蓮開長倒垂盤根紐壞石行雨暴澆池長藤連格徙高樹帶巢移鳥聲唯雜曲花風直亂吹白虎題書觀玄熊帖射皮文弦入舞曲月扇掩歌兒玉節調笙管金船代酒卮若論曹子建天人本共知

同會河陽公新造山池聊得寓目

橫階仍鑿澗對戶卽連峯。暗石疑藏虎盤根似臥龍。沙舟聚亂荻洞口礙橫松。引泉恆數派開巖卽十重。北閣聞吹管南鄰聽擊鐘。菊黃花正合杯香酒絕濃。由來魏公子今日始相逢。

登州中新閣

跨虛凌倒景連雲詎少陽。璇極龍鱗上雕甍鵬翅張。干尋文杏照十里木蘭香。開窗對高掌平坐望河梁。歌響聞長樂鐘聲徹建章。賦用王延壽書須韋仲將。龍來隨畫壁鳳起逐吹簧。石作芙蓉影池如明鏡光。花梁反披葉蓮井倒垂房。從然思燕賀無以預鷗翔。

歲晚出橫門

年華改歲陰遊客喜登臨。據鞍垂玉帖橫腰帶錦心。冰弱浮橋沒沙虛馬迹深。倚弓依石岸回牀向柳陰。智瓊來勸酒文君過聽琴。明朝雲雨散何處更相尋。

北園射堂新成

軒臺聊可習仙的不難登。轉箭初調箐橫弓先望。朔驚心一鴈落連臂兩猿騰。直知

王濟巧。誰覺魏舒能。空心不死樹。無葉未枯藤。擇賢方至此。傳后欣得朋。

園庭

杖鄉從物外。養學事閑郊。窮愁方汗簡。無遇始觀爻。谷寒已吹律。檐空更翦茆。樵隱恆同路。人禽或對巢。水蒲開晚結。風竹解寒苞。古槐時變火。枯楓乍落膠。倒屣迎懸榻。停琴聽解嘲。香螺酌美酒。枯蚌藉蘭葶。飛魚時逐釣。翳雉屢懸庖。但使相知厚。當能來結交。

歸田

務農勤九穀。歸來嘉一廛。穿渠移水碓。燒棘起山田。樹陰逢歇馬。魚潭見酒船。苦李無人摘。秋瓜不直錢。社雞新欲伏。原蠶始更眠。今日張平子。翻爲人所憐。

寒園卽目

寒園星散居。搖落小村墟。遊仙半壁畫。隱士一牀書。子月泉心動。陽爻地氣舒。雪花深數尺。冰牀厚尺餘。蒼鷹斜望雉。白鷺下看魚。更想東都外。羣公別二疏。

幽居值春

山人久陸沈。幽逕忽春臨。決渠移水碓。開園掃竹林。欹橋久半斷。崩岸始躬侵。短歌

吹細笛。低聲泛古琴。錢刀不相及。耕種且須深。長門一紙賦。何處覓黃金。

臥疾窮愁

危慮風霜積。窮愁歲月侵。雷蛇常疾首。映弩屢驚心。稚川求藥錄。君平問卜林。野老時相訪。山僧或見尋。有菊翻無酒。無絃則有琴。詎知長抱膝。獨爲梁父吟。

山齋

寂寥尋靜室。蒙密就山齋。滴瀝泉澆路。穹窿石臥階。淺槎全不動。盤根唯半埋。圓珠墜晚菊。細火落空槐。直置風雲慘。彌憐心事乖。

望野

試策千金馬。來登五丈原。有城仍舊縣。無樹卽新村。水向蘭池泊。日斜細柳園。涸渚通沙路。寒渠塞水門。但得風雲賞。何須人事論。

蒙賜酒

金膏下帝臺。玉歷在蓬萊。仙人一遇飲。分得兩三杯。忽聞桑葉落。正值菊花開。阮籍披衣進。王戎含笑來。從今覓仙藥。不假向瑤臺。

奉報趙王惠酒

一作奉報賜酒

梁王修竹園冠蓋風塵喧。行人忽枉道直進桃花源。穉子還羞出驚妻倒閉門。始聞傳上命。定是賜中樽。野鑪然樹葉山杯捧竹根。風池還更煖。寒谷遂長暄。未知稻梁雁何時能報恩。

有喜致醉

忽見庭生玉聊欣蚌出珠。蘭芬猶載寢蓬箭始懸弧。旣喜枚都尉能歡陵大夫。頻朝中散客連日步兵廚。雜曲隨琴用殘花聽酒須。脆梨裁數實甘查唯一株。兀然已復醉搖頭歌鳳雛。

喜晴應詔 勅自疏韻

御辨誠膺錄維皇稱有建雷澤昔經漁。負夏時從販柏梁。驂駟馬高陵馳六傳。有序屬賓連無私表平憲。河隄崩故柳秋水高新堰。心齋愍昏墊樂徹憐胥怨。禪河秉高論法輪開勝辯。王城水鬪息洛浦河圖獻。伏泉還習坎歸風已回巽。桐枝長舊圍蒲節抽新寸。山藪欣藏疾幽棲得無悶。有慶兆民同。論年天子萬。巽音旋寸音斷悶音慢皆古韻也

同顏大夫初晴

夕陽含水氣。反景照河隄。溼花飛未遠。陰雲斂向低。燕燥還爲石。龍殘更是泥。香泉

酌冷澗。小艇釣蓮溪。但使心齊物。何愁物不齊。

奉和趙王喜雨

玄霓臨日谷。封蟻對雲臺。投壺欲起電。倚柱稍驚雷。白沙如溼粉。蓮花類洗杯。驚
鳥灑翼度。溼鴈斷行來。浮橋七星起。高堰六門開。猶言祀蜀帝。卽似望荆臺。厥田
終上上。原野自莓莓。

和李司錄喜雨

純陽實久亢。雲漢乃昭回。臨河沈璧玉。夾道畫龍媒。離光初繞電。震氣始乘雷。海
童還碣石。神女向陽臺。雲逐魚鱗起。渠隨龍骨開。崩沙雜水去。臥樹擁槎來。嘉苗
雙合穎。熟稻再含胎。屬此欣膏露。逢君摛揆才。愧乏瓊將玖。無酬美且偲。

郊行值雪

風雲俱慘慘。原野共茫茫。雪花開六出。冰珠映九光。還如驅玉馬。暫似獵銀獐。陣
雲全不動。寒山無物香。辭君一狐白。唐侯兩驢驢。寒關日欲暮。披雪渡河梁。

奉和趙王西京路春日

直城龍首抗。橫橋天漢分。風鳥疑近日。露掌定高雲。新渠還入渭。舊鼎更開汾。漢

獵熊攀檻。秦田雉失羣。宜年動春律。御宿斂寒氛。弄玉迎蕭史。東方覓細君。楊柳成歌曲。蒲桃學繡文。烏鳴還獨解。花開先自薰。誰知灞陵下。猶有故將軍。

奉和夏日應令

朱簾捲麗日。翠幕蔽重陽。五月炎蒸氣。三時刻漏長。麥隨風裏熟。梅逐雨中黃。開冰帶井水。和粉雜生香。杉含蕉葉氣。扇動竹花涼。早菱生軟角。初蓮開細房。願陪仙鶴舉。洛浦聽笙簧。

△和樂儀同苦熱

樂府作苦熱行

火井沈熒散。炎洲高燄通。鞭石未成雨。鳴鳶不起風。思爲鸞翼扇。願借明光宮。臨淄迎子禮。中散就安豐。美酒含蘭氣。甘瓜開蜜筒。寂寥人事屏。還得隱牆東。

和裴儀同秋日

蕭條依白社。寂寞似東臯。學異南宮敬。貧同北郭騷。蒙吏觀秋水。萊妻紡落毛。旅人嗟歲暮。田家厭作勞。霜天林木燥。秋氣風雲高。栖遑終不定。方欲涕沾袍。

詠園花

暫往春園傍。聊過看果行。枝繁類金谷。花雜映河陽。自紅無假染。真白不須妝。燕

送歸菱井蜂銜上蜜房。非是金鑪氣何關柏殿香。裋衣偏定好。應持奉魏王。

西門豹廟

君子爲利博。達人樹德深。蘋藻由斯薦。樵蘇幸未侵。恭聞正臣一作直祀。良識佩韋心。
容範雖年代。徽猷若可尋。菊花隨酒馥。槐影向窗臨。鶴飛疑逐舞。魚驚似聽琴。漳流
鳴磴石。銅雀影秋林。

和王少保遙傷周處士

冥漠爾遊岱。淒涼余向秦。雖言異生死。同是不歸人。昔余仕冠蓋。值子避風塵。望氣
求真隱。伺關待逸民。忽聞泉石友。芝桂不防身。悵然張仲蔚。悲哉鄭子真。三山猶有
鶴。五柳更應春。遂令從渭水。投釣往江濱。

傷王司徒褒

昔聞王子晉。輕舉逐神仙。謂言君積善。還得嗣前賢。四海皆流寓。非爲獨播遷。豈意
中台圯。君當風燭前。自君鐘鼎族。江東集作南三百年。寶刀仍世載。琬戈本舊傳。綠紱
紆槐綬。黃金飾侍蟬。地建忠臣國。家開孝子泉。自能枯木潤。足得流水圓。以君承祖
武。諸侯無閒然。青衿已對日。童子卽論天。穎陰珠玉麗。河陽脂粉妍。名高六國共。價

重十城連。辯足觀秋水。文堪題馬鞭。迴鸞抱書字。別鶴繞琴絃。擁旄裁甸服。垂帷非
被邊。靜亭空繫馬。閑烽直起煙。不廢披書案。無妨坐釣船。茂陵忽多病。淮陽實未痊。
侍醫逾默默。神理遂綿綿。永別張平子。長埋王仲宣。柏谷移松樹。陽陵買墓田。陝路
秋風起。寒堂已颯焉。邱楊一搖落。山火卽時然。昔爲人所羨。今爲人所憐。世途旦復
旦。人情玄又玄。故人傷此別。畱憾滿秦川。定名於此定。全德以斯全。唯有山陽笛。悽
余思舊篇。

仰和何僕射還宅懷故

紫閣旦朝罷。中臺夕奏稀。無復千金笑。徒勞五日歸。步檐朝未掃。蘭房晝掩扉。苔生
理曲處。網積迴文機。故瑟餘絃斷。歌梁秋雁飛。朝雲雖可望。夜帳定難依。願憑甘露
入。方假慧燈輝。甯知洛城晚。還淚獨沾衣。

送灵法師葬

龍泉今日掩石洞。卽時封玉匣。摧談柄。懸河落辯鋒。香鑪猶是柏。麈尾更成松。郭門
未十里。山迴已數重。尚聞香閣梵。猶聽竹林鐘。送客風塵擁。寒郊霜露濃。性靈如不
滅。神理定何從。

和人日晚景宴昆明池

春餘一作餘春足光景。趙李舊經過。上林柳腰細。新豐酒徑多。小船行釣鯉。新盤待摘荷。蘭皋徒稅駕。何處有凌波。

對宴齊使

歸軒下賓館。送蓋出河隄。酒正離杯促。歌工別曲悽。林寒木皮厚。沙迴鴈飛低。故人倘相訪。知余已執珪。

聘齋秋晚館中飲酒

欣茲河朔飲。對此洛陽才。殘秋欲屏扇。餘菊尚浮盃。漳流鳴二水。日色下三臺。無因侍清夜。同此月徘徊。

奉和洛池初成清晨臨泛

千金高堰合。百頃浚源開。翻逢積翠一作草浪。更識昆明灰。猿嘯風還急。雞鳴潮即來。時看青雀舫。遙逐桂舟一作洲迴。

秋爽法師遊昆明池二首

遊客重相攬。連鑣出上蘭。值泉傾蓋飲。逢花駐馬看。平湖泛玉舳。高堰歇金鞍。半道

聞荷氣中流覺水寒。

秋光麗晚天。鷁舸泛中川。密菱障浴鳥。高荷沒釣船。碎珠縈斷菊。殘絲繞折蓮。落花催斗酒。栖鳥送一絃。

見遊春人

長安有狹斜。金穴盛豪華。連杯勸上馬。亂菓擲行車。深紅蓮子豔。細錦鳳凰花。那能學喫酒。無處似欒巴。

別周尚書宏正

一作別周處士宏正

扶風石橋北。函谷故關前。此中一分手。相逢知幾年。黃鵠一反顧。徘徊應愴然。自知悲不已。徒勞減瑟絃。

別張洗馬樞

別席慘無言。離悲兩相顧。君登蘇武橋。我見楊朱路。關山負雪行。河水乘冰渡。願子著朱鳶。知余在玄菟。

別庾七入蜀

峻嶺拂陽鳥。長城連蜀都。石銘懸劒壁。沙洲聚陣圖。山長半股斷。樹古半心枯。由來

兄弟別共念一荆株。

將命使北始度瓜步江

校尉始辭國。樓船欲渡河。輻軒臨磧岸。旌節映江沱。觀濤想帷蓋。爭長憶干戈。雖同燕市泣。猶聽趙津歌。

反命河朔始入武州

輕車初逐李。定遠未隨班。受詔祈連返。申威疏勒還。飛蓬損腰帶。秋鬢落容顏。寄言舊相識。知余生入關。

冬狩行四韻連句應詔

三川羽檄遲。六郡良家選。觀兵細柳城。校獵長楊苑。驚雉逐鷹飛。騰猿看箭轉。鳴笳河曲還。猶憶南皮返。

和王內史從駕狩

冬狩出離宮。還過獵武功。澗橫偏礙馬。山虛絕響弓。更羸承落雁。韓盧鬪蝥熊。猶開三面網。誰有一山重。

入道士館

金華開八景。玉洞上三危。雲袍白鶴度。風管鳳凰吹。野衣縫蕙葉。山巾簪去聲笋皮。何必淮南館。淹留攀桂枝。

奉和永豐殿下言志十首

立德齊今古。資仁一毀譽。無機抱寶汲。有道帶經鋤。處下唯名惠。能言本姓蘧。未論驚寵辱。安知係慘舒。

王子從邊服。臨邛惜第如。星橋擁冠蓋。錦水照簪裾。論文報潘岳。詠史答應璩。帳幕參三顧。風流盛七輿。

茫茫實宇宙。與善定馮虛。大夫傷魯道。君子念殷墟。程卿旣開國。安平遂徙居。詎能從小隱。終然遊太初。

直城風日美。平陵雲霧除。來往金張館。絃歌許史閭。鳳臺迎弄玉。河陽送婕妤。五馬遙相問。雙童來夾車。

託情忻六學。遊目愛三餘。覆局能懸記。看碑解暗疏。詎嘗遊魏冉。那時說范睢。池水朝含墨。流螢夜聚書。

興雲榆莢晚。燒薤杏花初。滌池侵黍稷。谷水播菑畬。六月蟬鳴稻。千金龍骨渠。含風

搖古度。防露動林於。

古度樹名見吳都賦林於竹名越女試劍竹也見戴慶豫竹譜又曰上密防露下疏來風

自憐循短綆。方欲問長沮。茂陵體猶瘠。淮陽疾未祛。翻疑承毒水。忽似遇昌菹。漢陽嗟欲盡。咎繇懼忽諸。

弱齡參顧問。疇昔濫吹噓。綠槐垂學市。長楊映直廬。連盟翻滅鄭。仁義反忘徐。還思建鄴水。終憶武昌魚。

崩隄壓故柳。衰社臥寒樗。野鶴能自獵。江鷗解獨漁。漢陰逢荷蓀。緇林見杖屨。阮籍長思酒。嵇康懶著書。

披林求木實。拂雪就園蔬。濁醪非鶴髓。蘭肴異蟹蛆。一作野情風月曠。山心人事疏。徒知守瓴簷。空欲報璠璣。

率爾成詠

昔日謝安石。求爲淮海人。彷彿新亭岸。猶言洛水濱。南冠今別楚。荆玉遂遊秦。儻使如楊僕。甯爲關外人。

慨然成詠

新春光景麗。遊子離別情。交讓未全死。梧桐唯半生。值熱花無氣。逢風水不平。寶雞

雖有祀。何時能更鳴。

奉和賜曹美人

月光如粉白。秋露似珠圓。絡緯無機織。流螢帶火寒。何年迎弄玉。今朝得夢蘭。訝許能含笑。芙蓉宜熟看。

和趙王看伎

綠珠歌扇薄。飛燕舞衫長。琴曲隨流水。簫聲逐鳳凰。細縷纏鐘格。圓花釘鼓牀。一作舊風

蟬鬢亂映日。鳳釵光懸。知曲不誤。無事畏。一作顧周郎。

奉答賜酒

仙童下赤城。仙酒餉王平。野人相就飲。山鳥一羣驚。細雪翻沙下。寒風戰鼓鳴。此時逢一醉。應枯反更榮。

奉答賜酒鵝

雲光偏亂眼。風聲特噤心。冷猿披雪嘯。寒魚抱凍沈。今朝一壺酒。實是勝千金。負恩無以謝。惟知就竹林。

正旦蒙趙王賚酒

正旦辟惡酒。新年長命杯。柏葉隨銘至。椒花逐頌來。流星向椀落。浮蟻對春開。成都已救火。蜀使何時迴。

衛王贈桑落酒奉答

愁人坐狹斜。喜得送流霞。跂窗催酒熟。停杯待菊花。霜風亂飄葉。寒水細澄沙。高陽今日晚。應有接羅斜。

蒲州刺史中山公許乞酒一車未送

細柳望蒲臺。長河始一迴。秋桑幾過落。春蟻未曾開。瑩角非難馭。搥輪稍可催。只言千日飲。舊逐中山來。

答王司空餉酒

藝文作答
王褒餉酒

今日小園中。桃花數樹紅。開君一壺酒。細酌對春風。未能扶畢卓。猶足舞王戎。仙人一捧露。判不及杯中。

舟中望月

舟子夜離家。開船望月華。山明疑有雪。岸白不關沙。天漢看珠蚌。星橋視桂花。灰飛重暈闕。蕙落獨輪斜。

望月

夜光流未曙。金波影尚賒。照人非七子。含風異九華。莫新半壁上。桂滿獨輪斜。乘舟聊可望。無假逐仙一作靈槎。

對雨

繁雲猶暗嶺。積雨未開庭。階含侵角路。鑊滿溜疏萍。溼楊生細榭。爛草變初螢。徒勞看蟻封。無事祀靈星。

喜晴

比日思光景。今朝始暫逢。雨住便生熱。雲晴卽作峯。水白澄還淺。花紅燥更濃。已歡無石燕。彌欲棄泥龍。

詠春近餘雪應詔

送寒開小苑。迎春入上林。絲條變柳色。香氣動蘭心。待花將一作思對酒。畱雪擬彈琴。陪遊愧竝作。空見奉恩深。

奉和初秋

落星初伏火。秋霜正動鐘。北閣連橫漢。南宮應鑿龍。祥鸞棲竹實。靈蔡上芙蓉。自有

南風曲還來吹九重。

晚秋

淒清臨晚景。疏索望寒階。溼庭凝墜露。搏風卷落槐。日氣斜還冷。雲峯晚更霾。可憐數行鴈。點點遠空排。

和穎川公秋夜

初學作上官儀非

沈寥空色遠。葉黃淒序變。洞浦落遵鴻。長飈送巢燕。千秋流夕景。百籟含宵嘒。峻雉聆金柝。曾臺切銀箭。

詠畫屏風詩二十五首

俠客重連鑣。金鞍被桂條。細塵鄣路起。驚花亂眼飄。酒醺人半醉。汗溼馬全驕。歸鞍畏日晚。爭路上河橋。

浮橋翠蓋擁。平日雍門開。石崇迎客至。山濤載妓來。水紋恆獨轉。風花直亂迴。誰能惜紅袖。甯一作用捧金杯。

停車小苑外。下渚長橋前。澁菱迎擁楫。平荷直蓋船。殘絲繞折藕。芰葉映低蓮。遙望芙蓉影。只言水底然。

昨夜鳥聲春。驚鳴動四鄰。今朝梅樹下。定有詠花人。流星浮酒泛。粟瑱繞杯唇。何勞一片雨。喚作陽臺神。

逍遙遊桂苑。寂絕到

藝文作想

桃源。狹石分花徑。長橋映水門。管聲驚百鳥。人衣香一園。

定知歡未足。橫琴坐石根。

三春冠蓋聚。八節管絃遊。石險松橫植。巖懸澗豎流。小橋飛斷岸。高花出迴樓。定須催十酒。將來宴五侯。

高閣千尋起。長廊四注連。歌聲上扇月。舞影入琴絃。澗水纔窗外。山花卽眼前。但願長歡樂。從今盡百年。

日晚金槌絡

一作路

朱軒流水車。轆拂綠隄柳。豐飄夾路花。定迎劉碧玉。將過陰麗華。

非是高陽路。莫畏接羅斜。

徘徊出桂苑。徙倚就花林。下橋先勸酒。跂石始調琴。蒲低猶抱節。竹短未空心。絕愛猿聲近。唯憐花徑深。

千尋木蘭館。百尺芙蓉堂。日落低蓮井。行雲礙芰梁。流水桃花色。春洲杜若香。就階猶不進。催來上伎牀。

搥衣明月下。靜夜秋風飄。錦石平礧面。蓮房接杵腰。急節迎秋韻。新聲入手調。寒衣須及早。將寄霍嫫媯。

出沒看樓殿。閒關望綺羅。翔禽逐節舞。流水赴絃歌。細管吹藜竹。新杯卷半荷。南宮冠蓋下。日暮風塵多。

玉柙珠簾捲。金鉤翠幔懸。荷香薰水殿。閣影入池蓮。平沙臨浦口。高柳對樓前。上橋還倚望。遙看採菱船。

高閣千尋跨。重檐百丈齊。雲度三分近。花飛一倍低。吹簫迎白鶴。照鏡舞山雞。何勞愁日暮。未有夜烏啼。

河流值淺岸。斂轡暫經過。弓衣溼濺水。馬足亂橫波。半城斜出樹。長林直枕河。今朝遊俠客。不畏風塵多。

度橋猶徙倚。坐石未傾壺。淺草開長埭。行營繞細廚。沙洲兩鶴迴。石路一松孤。自可尋丹竈。何勞憶酒壚。

上林春逕密。浮橋柳路長。龍媒逐細草。鶴鬣映垂楊。水似桃花色。山如甲煎香。白石春清一作泉上。誰能待月光。

白石春泉滿。黃金新埒開。戚里車先度。蘭池馬卽來。落花承舞席。春杉拭酒杯。行廚
半路待。載伎一雙迴。

將軍息邊務。校尉罷從戎。池臺臨戚里。絃管入新豐。浮雲隨走馬。明月逐彎弓。比來
多射獵。唯有上林中。

三危入鳳翼。九阪度龍鱗。路高山裏樹。雲低馬上人。懸巖泉溜響。深谷鳥聲春。住馬
來相問。應知有姓秦。

聊開鬱金屋。暫對芙蓉池。水光連岸動。花風合樹吹。春杯猶雜泛。細果尙連枝。不畏
歌聲盡。先看箏柱欹。

洞靈開靜室。雲氣滿山齋。古松裁數樹。盤根無半埋。愛靜魚爭樂。依人鳥入懷。仲春
徵隱士。蒲輪上計偕。

今朝好風日。園苑足芳菲。竹動蟬爭散。蓮搖魚暫飛。面紅新著酒。風晚細吹衣。跂石
多時望。蓮船始復歸。

金鞍聚磧岸。玉舳泛中流。畫鷁先防水。媒龍卽負舟。沙城疑海氣。石岸似江樓。崩槎
時半沒。壞舸或空浮。定是汾河上。戈船聊試遊。

竟日坐春臺。芙蓉承酒杯。水流平澗下。山花滿谷開。行雲數番過。白鶴一雙來。水影搖繁竹。林香動落梅。直上山頭路。羊腸能幾迴。

鏡

玉匣聊開鏡。輕灰暫拭塵。光如一片水。影照兩邊人。月生無有桂。花開不逐春。試挂淮南竹。堪能見四鄰。

梅花

常年臘月半。已覺梅花闌。不信今春晚。俱來雪裏看。樹動懸冰落。枝高出手寒。早知覓不見。眞悔著衣單。

詠樹

交柯乍百頃。擢本或千尋。楓子畱爲式。桐孫待作琴。殘核移桃種。空花植棗林。幽居對蒙密。蹊徑轉深沈。

寄徐陵

故人儻思我。及此平生時。莫待山陽路。空聞吹笛悲。

寄王琳

三十家詩鈔

卷六

北周

庾信

二十六

玉關道路遠。金陵信使疏。獨下千行淚。開君萬里書。

奉和趙王

花徑日相攜。花林鳥未棲。比看中郎醉。堪聞烏夜啼。

和劉儀同臻

南登廣陵岸。迴首落星城。不言臨舊浦。烽火照江明。

和庾四

離關一長望。別恨幾重愁。無妨對春日。懷抱只言秋。

和侃法師三絕

一作和侃
法師別詩

秦關望楚路。灞岸想江潭。幾人應落淚。看君馬向南。

其二

客遊經歲月。羈旅故情多。近學衡陽雁。秋分俱渡河。

其三

迴首河隄望。眷眷嗟離絕。誰言舊國人。到在他鄉別。

送周尚書宏正

交河望合浦。玄菟想朱鳶。共此無期別。知應復幾年。

其二

離期定已促。別淚轉無從。惟愁郭門外。應足數株松。

重別周尚書

陽關萬里道。不見一人歸。惟有河邊鴈。秋來南向飛。

其二

河橋兩岸絕。橫岐數路分。山川遙不見。懷袖遠相聞。

行途賦得四更應詔

四更天欲曙。落月垂關下。深谷暗藏人。欵松橫礙馬。

△和江中賈客

樂府作賈客詞

五兩開船頭。長橋發新浦。懸知岸上人。遙振江中鼓。

奉和平鄴應詔

天策引神兵。風飛掃鄴城。陣雲千里散。黃河一代清。

送衛王南征

望水初橫陣。移營寇未降。風塵馬足起。先暗廣陵江。

仙山

金竈新和藥。銀臺舊聚神。相看但莫怯。先師應識人。

其二

石軟如香餠。鉛銷似熟銀。蓬萊暫近別。海水遂成塵。

山齋

石影橫臨水。山雲半繞峯。遙想山中店。懸知春酒濃。

野步

值泉仍飲馬。逢花卽舉杯。稍看城闕遠。轉見風雲來。

山中

澗暗泉偏冷。巖深桂絕香。住中能不去。非獨淮南王。

閨怨

明鏡圓花發。空房故怨多。幾年畱織女。還應聽渡河。

和趙王看妓

長思浣紗石。空想一作定憶搗衣碓。臨邛若有便一作使。爲說解琴心。

看舞

鸞迴不假學。鳳舉自相關。到嫌衫袖廣。恆長礙舉鬢。

聽歌一絕

協律新教罷。河陽始學歸。但令聞一曲。餘聲三日飛。

暮秋野興賦得傾壺酒

劉伶正捉酒。中散欲彈琴。但使逢秋菊。何須就竹林。

對酒

數杯還已醉。風雲一作春風不復知。唯有龍吟笛。桓伊能獨吹。

春日極飲

檻前聞鳥囀。園裏對花開。就中言不醉。細袖捧金杯。

春望

春望上春臺。春窗四面開。落花何假拂。風吹會竝來。

新月

鄭環唯半出。秦鉤本獨懸。若交臨酒影。堪言照弩弦。

秋日

蒼茫望落景。羈旅對窮秋。賴有南園菊。殘花足解愁。

望渭水

樹似新亭岸。沙如龍尾灣。猶言吟暝浦。應有落帆還。

塵鏡

明鏡如明月。恆常置匣中。何須照兩鬢。終是一秋蓬。

和淮南公聽琴聞絃斷

嗣宗看月夜中散。對行雲。一絃雖獨韻。猶足動文君。

弄琴

雉飛催晚別。烏唳驚夜眠。若交新曲變。惟須促一絃。

其二

不見石城樂。惟聞烏噪林。新聲逐絃轉。應得動春心。

詠羽扇

搖風碎朝翮。拂汗落毛衣。定似回谿路。將軍垂翅歸。

題結綫袋子

交絲結龍鳳。鏤彩織雲霞。一寸同心縷。千年長命花。

賦得鸞臺

九成吹玉琯。百尺上瑤臺。能將秦女去。終是鳳凰來。

賦得集池雁

逢風時迴度。逐侶乍爭飛。猶憶方塘水。今秋已復歸。

詠雁

初學作周宏正非

南思洞庭水。北想雁門關。稻梁俱可戀。飛去復飛還。

忽見檳榔

綠房千子熟。紫穗集作稔百花開。莫言行萬里。曾經相識來。

移樹

酒泉移赤柰。河陽徙石榴。雖言有千樹。何處似封侯。

奉梨

接枝秋轉脆。含情落更香。擎置仙人掌。應添瑞露漿。

傷往

見月長垂淚。看花定斂眉。從今一別後。知作幾年悲。

其二

塵言苦厚。蟲絲定幾重。還是臨窗月。今秋迴照松。

春日離合二首

秦青初變曲。未有逐琴心。明年花樹下。月月來相尋。春字

其二

田家足閒暇。士友暫流連。三春竹葉酒。一曲鷓鴣弦。白字

和湘東王後園迴文

早蓮生竭鑊。嫩菊養秋鄰。滿池畱浴鳥。分橋上戲人。

本集有周祀園邱歌十二首雜言。周祀方澤歌四首四言。周祀五帝歌十二首雜言。周宗廟歌十二首雜言。周大禘歌二首四言。周五聲調曲二十四首長短句。怨歌行一首。舞媚娘一首。均六言。鳥夜啼一首。燕歌行一首。楊柳歌一首。秋夜望單飛雁一首。代人傷往兩首。均七言。以非五古未鈔。

外五古中有道士步虛詞十首。就蒲州使君乞酒一首。鬪雞一首。應令一首。杏花一首。集周公處連句一首。贈別一首。徐報使來止得一相見一首。賦得荷一首。問疾封中錄一首。示封中錄二首皆未選。

三十家爵里攷

魏曹植字子建魏武帝子文帝同母弟也建安十六年封平原侯尋徙封臨菑文帝即位命諸侯竝就國黃初二年貶安鄉侯改封鄆城二年立為鄆城王四年徙封雍邱明帝太和元年改封浚儀三年復還雍邱旋徙東阿六年加封陳王薨年四十一諡曰思。詩品曰植詩源出於國風骨氣奇高詞彩華茂情兼怨雅體被文質燦溢今古卓爾不羣嗟呼陳思之於文章也譬人倫之有周孔鱗

雅體被文質燦溢今古卓爾不羣嗟呼陳思之於文章也譬人倫之有周孔鱗

映餘暉以自燭故孔氏之門如有詩則公幹升堂思王入室景陽潘陸自可坐於廊廡之間矣

魏王粲字仲宣山陽高平人有異才漢獻帝西遷困徙居長安後之荆州依劉表表

其源出於李陵發愀愴之詞文秀而質羸在曹劉閒別構一體方陳思不足比魏文有餘

魏劉楨字公幹東平人太祖辟為丞相掾屬太子嘗宴諸文學酒酣命夫人甄氏出拜坐中咸伏楨獨平視太祖聞之乃收治罪減死輸作署吏建安二十二年

卒。詩品曰楨詩其源出於古詩仗氣愛奇動多振絕真骨凌霜高風跨俗但氣過其文雕潤恨少然自思王以下楨稱獨步

阮籍字嗣宗陳留尉氏人司空記室瑀之子容貌瓌傑志氣宏放初辟太尉掾進

引為從事中郎籍聞步兵廚多美酒遂求為步兵校尉縱酒昏酣遺落世事又對人能為青白眼由是禮法之士深所讐疾大將軍常保持之。詩品曰阮籍

詩其源出於小雅無雕蟲之巧而詠懷之作可以陶性靈發幽思言在耳目之內情寄八荒之表洋洋乎會於風雅使人忘其鄙近自致遠大頗多感慨之詞

而厥旨淵放歸趣難求

晉潘岳字安仁滎陽中牟人美姿儀少以才穎發名善屬文清綺絕世舉秀才為郎遷河陽懷二縣令入補尚書郎累遷給事黃門侍郎素與孫秀有隙及趙王

三十家詩鈔 卷末 爵里攷

倫輔政秀遂誣岳與石崇為亂誅之。詩品曰潘岳詩其源出於仲宣翰林歎其翩翩然如翔禽之有羽毛衣服之有綃縠猶淺於陸機謝琨云潘詩爛若舒錦無處不佳陸文似披沙簡金往往見寶嶸謂益壽輕華故以潘為勝翰林篤論故謂陸為深余常言陸才如海潘才如江孫興公曰潘文淺而淨陸文深而蕪

張華

字茂先范陽人晉武帝受禪以為黃門侍郎贊伐吳有功封廣武侯遷尚書後進為侍中中書監盡忠匡輔加封公元康六年拜司空與趙王倫孫秀有

隙為倫秀所害。詩品曰張華詩其源出於王粲其體華豔興託不奇巧用文字務為妍冶雖名高曩代而疏亮之士猶恨其兒女情多風雲氣少

陸機

字士衡吳郡人大司馬抗之子也少有奇才領父兵為牙門將吳亡入洛太傅楊駿辟為祭酒累遷太子洗馬著作郎出補吳王郎中令入為尚書郎趙

王倫輔政引為參軍大安初成都王穎等起兵討長沙王又假機後將軍河北大都督因戰敗績為穎所害。詩品曰陸機詩其源出於陳思才高辭贍舉體

華美氣少於公幹文劣於仲宣尚規矩不貴綺錯有傷直致之奇然其咀嚙英華厭飫膏澤文章之淵泉也張公歎其大才信矣

左思

字太冲齊國臨淄人也徵為祕書郎齊王冏命為記室辭疾不就以疾終。詩品曰左思詩其源出於公幹文典以怨頗為精切得諷諭之致雖野於陸

機而深於潘岳謝康樂常言左太冲詩潘安仁詩古今難比

張協

字景陽與兄載齊名辟公府掾轉祕書郎累遷中書侍郎轉河閒內史時天

下已亂遂屏居草澤以屬詠自娛終於家。詩品曰張協詩其源出於王粲文體華淨少病累又巧構形似之言雄於潘岳靡於太冲風流調達實曠代之高手詞采蔥蒨音韻鏗鏘使人味之饜饜不倦

劉琨

字越石中山人少以雄豪著名永嘉初為并州刺史建興二年加大將軍都督并州三年進司空四年其長史以并州叛降石勒琨遂奔薊段匹磾因與

結婚約以共戴晉室元帝渡江復加太尉封廣武侯後其子羣與匹磾有隙遂被害諡曰愍。詩品曰太尉劉琨中郎盧諶詩其源出於王粲善為悽戾之詞

自有清拔之氣琨既良才又罹厄運故善敘喪亂多感恨之詞中郎仰之微不逮矣

晉郭璞

字景純河東聞喜人文章冠一時尤妙於陰陽算歷卜筮之術王導引為參軍補著作佐郎遷尚書郎以母憂去王敦起為記室參軍敦既謀逆使筮璞

曰無成壽且不久敦大怒即收斬之及敦平追贈宏農太守○詩品曰郭璞詩憲章潘岳文體相輝彪炳可玩始變永嘉平淡之體故稱中興第一翰林以為

詩首但遊仙之作詞多慷慨乖違元宗而云奈何虎豹姿又云戢翼棲榛梗乃是坎壈詠懷非列仙之趣也

晉陶淵明

字元亮入宋名潛潯陽柴桑人太尉長沙公侃之曾孫少有高趣親老家

遷建威參軍未幾求為彭澤令在縣入十餘日解歸暨入宋終身不仕顏延年誄之謚曰靖節徵士○詩品曰靖節詩其源出於應璩又協左思風力文體省

靜殆無長語篤意高古辭興婉愜每觀其文想其人歎其質直至如歡言酌春酒日暮天無雲風華清靡豈直為田家語耶古今隱逸詩人之宗也

宋謝靈運

陳郡陽夏人以祖父竝葬始甯縣遂移籍會稽晉孝武時襲封康樂公累

爵為侯起為散騎常侍轉太子左衛率武帝崩出為永嘉太守在郡辭歸始甯文帝登祚徵為祕書監遷侍中未幾復稱疾歸好尋山陟險會稽太守表其有

異志帝惜其才授臨川內史復為有司所糾徙廣州尋以事詔就廣州棄市年四十九○詩品曰靈運詩其源出於陳思雜有景陽之體故尚巧似而逸蕩過

之頗以繁蕪為累嶠謂若人興多才高寓目輒書內無乏思外無遺物其繁富宜哉然名章傑句處處間起麗典新聲絡繹奔會譬猶青松之拔灌木白玉之

映塵沙未足貶其高潔也

宋顏延之

字延年琅琊臨沂人性疏淡不護細行而文章冠絕當時初為宋公豫章

世子參軍及宋公即帝位補太子舍人廬陵王待之甚厚執政以其構扇異同因帝崩出為始安太守文帝元嘉三年徵為中書侍郎未幾復出守永嘉孝武登祚以為金紫光祿大夫卒贈特進謚曰憲○詩品曰延之詩其源出於

陸機體裁綺密情喻淵深動無虛散一句一字皆致意焉又喜用古事彌見拘束雖乖秀逸是經綸文雅才才減若人則蹈於困躓矣湯惠休曰謝詩如芙蓉出水顏詩如錯采鑷金顏終身病之

宋謝莊字希逸弘微之子仕文帝時為隨王誕記室遷太子中庶子孝武立除侍中

大夫卒。詩品曰希逸詩氣候清雅不逮於王袁然與屬閒長良無鄙促矣

宋謝瞻字宣遠六歲能屬文與從叔混族弟靈運俱有盛名晉義熙中為安城太守宋初除中書侍郎以弟晦當朝乃求出守豫章遇病卒

宋謝惠連丹陽尹方明之子十歲能屬文元嘉元年為彭城王法曹參軍年二十七卒。詩品曰小謝詩才思富捷恨其蘭玉夙凋政長轡未騁秋懷擣衣之

作雖復靈運銳思亦何以加焉

宋鮑照一作昭字明遠東海人文詞瞻逸尤長於樂府始謁臨川王義慶貢詩言志擢為國侍郎遷秣陵令文帝選為中書舍人上方以文章自高頗多忌由是

賦述不敢盡其才後臨海王子項鎮荆州以為前軍參軍時江外諸王皆拒命子項敗遂遇害。詩品曰鮑照詩其源出於二張善形狀寫物之詞得景陽之傲詭含茂先之靡嫚骨節強於謝混驅邁疾於延年總四家而擅美跨兩代而孤出嗟其才秀人微故取淹當代然貴尚巧似不避危仄頗傷清雅之調故言

險俗者多以附照

齊謝朓字元暉宋僕射景仁之從孫少有美名齊隨王子隆鎮荆州以為文學未幾求還都除新安王記室尋兼尚書殿中郎宣城王鸞輔政以為驃騎諮議掌

中書詔勅轉中書郎出補宣城太守後遷至吏部郎兼衛尉丞元初江祐謀立始安王遙光引以為黨不從收下獄死。詩品曰謝朓詩其源出於謝混微傷細密頗在不倫一章之中自有玉石然奇章秀句往往警適足使叔源失步明遠變色善自發詩端而未篇多躓此意銳而才弱也

齊王融字元長瑯琊人僧達之孫也少警慧博涉多通仕齊武帝遷祕書丞歷中書郎竟陵王子良拔為甯朔將軍武帝大漸謀立子良及鬱林即位下獄賜死

○詩品曰齊甯朔將軍王融詩齊中庶子劉繪詩竝有盛才詞美英淨至於五言之作幾乎尺有所短譬應變將畧非武侯所長未足以貶臥龍也

梁江淹字文通濟陽考城人弱冠以五經授宋始安王劉子真為南徐州王新安從事奉朝請始安薨舉南徐州桂陽王秀才轉建平王主簿雅以文章見遇及

王移鎮朱方又為鎮軍參軍領東海郡丞王欲舉兵淹以為諷乃黜為吳興令齊高帝始置史館命淹掌之累遷御史中丞明帝時出為宣城太守遷為祕書

監兼衛尉入梁為散騎常侍遷金紫光祿大夫卒諡曰憲○詩品曰文通詩體總雜善於摹擬筋力於王微成就於謝朓故君子貴自立不可隨流俗

梁沈約字休文吳興武康人宋泰始中蔡興宗引為安西記室參軍入齊為太子家令累遷吏部郎出為東陽太守明帝徵為五兵尚書及梁武受禪以佐命功

除僕射歷尚書令侍中封建昌侯加特進卒諡曰隱○詩品曰觀休文製五言最優詳其文體察其餘論固知其憲章鮑明遠也所以不嫻於經綸而長於清

怨永明相王愛文王元長等皆宗附之於時謝朓未適江淹才盡范雲名級故微故約稱獨步雖文不至其工麗亦一時之選也見重閭里誦詠成音嶸謂約

所著既多今剪除蕪雜收其精要允為中品之第矣故當詞密於范意淺於江也

任昉字彥昇樂安博昌人雅善屬文尤長載筆沈約一代詞宗深所推挹仕齊為竟陵王記室參軍司徒長史武帝踐祚拜黃門侍郎掌著作出為義興太守

轉御史中丞出為新安太守為政清省吏民便之○詩品曰彥昇少年為詩不工故世稱沈詩任筆昉深恨之晚節愛好既篤文亦適變善詮事理拓體淵雅

得國士之風但昉既博物動輒用事所以詩不得奇少年士子效其如此弊矣

梁范雲字彥龍南鄉舞陰人初為齊竟陵王府主簿歷始興內史遷廣州刺史免官少與梁武帝友善及武帝平建業以雲為黃門郎與約同心翊贊遷散騎常

侍吏部尚書卒諡曰文○詩品曰梁衛將軍范雲梁中書郎邱遲詩范詩清便宛轉如流風迴雪邱詩點綴映媚似落花依草故當淺於江淹而秀於任昉

梁何遜字仲言東海郟人承天曾孫也天監中起家奉朝請遷建安王水曹參軍王

書水部郎除廬陵王記室復隨府江州未幾卒○南史本傳云遜舉秀才范雲

見其對策大相稱賞因結忘年交好自是一文一詠雲輒嗟賞謂所親曰頃觀

嘗謂遜曰吾每讀卿詩一日三復猶不能已其為名流所稱如此

文人質則過懦麗則傷俗其能含清濁中今古見之何生矣沈約

梁吳均字叔庠吳興故章人好學有俊才天監初柳惲為吳興召補主簿日引與賦

詩均文體清拔有古氣好事者效之謂為吳均體建安王引為記室尋為國

陳庾肩吾字慎新野人八歲能賦詩初為晉安王常侍王為太子兼通事舍人除

預其選簡文即位肩吾為度支尚書侯景矯詔遣肩吾喻當陽公大

陳陰鏗字子堅武威人五歲能誦詩賦日千言尤善五言詩為當時所重仕梁為湘

東王法曹行參軍陳天嘉中為始興王中錄事參軍累遷晉陵太守員外散

陳徐陵字孝穆東海郟人擢之子初為梁晉安王參軍累遷至散騎常侍仕陳歷侍

中安右將軍光祿大夫太子少傅南徐州大中正建昌縣開國侯氣局深遠

北周庾信字子山新野人幼而俊邁博覽羣書父肩吾為梁太子中庶子東海徐摛為

左衛率摛子陵及信竝為抄撰學士父子東官出入禁闥詩文竝綺豔故世

號為徐庾體焉信累遷通直散騎常侍聘於東魏文章辭令甚為鄴下所稱梁

元帝稱制除御史中丞及即位轉右衛將軍聘於西魏屬大將軍南討畱長安

累遷開府儀同三司尋徵司宗中大夫卒

中華民國壹零零年捌月拾玖日贈送



國家圖書館



003676682

